

LG STATEHOOD

لیفٹیننٹ گورنر منوج سنہا غو کہنو ہے جے مرکزی سرکار جموں کشمیر نانہہ ریاست غا درجہ غی بحالی بارے وعدہ بند ہے اُنہاں نے کہیو جے مناسب وقت ور ریاست گو درجو بحال کردتو جے غو اک نجی ٹی وی چینل سنگ اپن اک انٹرویو مانہہ ایل جی موصوف نے یقین دوايو جے جموں کشمیر غا لوکاں سنگ کیا گیا وعدہ غو احترام کیوجائگو اُنہاں نے یوہ دعویٰ کیو ہے جے دفعہ 370 غی منسوخی غے بعد یو تی مانہہ امن ترقی تے عوامی شراکت غو اک نوو دور دیکھیو گیو ہے اُن گو مزید کہنو تھو جے تمام سیکرٹریاں مانہہ تیز تر ترقی کی گئی ہے تے جامع ترقی تے استحکام سرکار غی ترجیحات مانہہ شامل رہیو ہے۔

AMARNATH YATRA

امرناتھ یاترہ ور آیا یاتریاں غی تعداد گزشتہ کل توڑی 2 لکھ تجاویز کی چُکی تھی کل 17 ہزار یاتریاں نے امرناتھ گفہ غا درشن کیا اس راہ امرناتھ گفہ غا درشن کرن آلا یاتریاں غی کُل تعداد 2 لکھ 63 ہزار توڑی جائی جے سماجی میڈیا غیا یک پوسٹ مانہہ لیفٹیننٹ گورنر منوج سنہا نے یاتریاں گا اس قدر جوش وجہہ ور خوشی ظاہر کیہے اُن گو کہنو تھو جے یوہ اک پاک سفر ہے تے ات تمام عقیدت منداناں خوش آمدید ہے اسے دوران اج سویرے یاتریاں غو تازہ قافلو جموں گا بھگوتی نگر تیں سخت حفاظتی انتظامات بشکار کشمیر وادی در روانہ ہوو ہے 6 ہزار 143 یاتریاں ور مشتمل یوہ قافلو 235 گڈیاں ور سوار ہو غے وادی در روانہ کیو گیو ہے یاتریاں غا اس قافلہ مانہہ 4691 مرد 1248 خواتین 17 بچہ 167 سادھو 20 سادھوی شامل ہیں ان یاتریاں وچوں 2215 پاتری بال تال جد کہ 3928 پاتری پہلگام بنیادی کیمپ در روانہ کیا گیا ہیں جتوں وے گفہ در اپنو اگلو سفر شروع کریں گا۔

CS BALTAL

چیف سیکرٹری نے بال تال بنیادی کیمپ غو دورو لاغے امرناتھ یاترہ بارے کیا گیا انتظامات غ و معائنہ کیو اپنا اس دورہ غے دوران اُنہاں نے بنیادی کیمپ غا اسپتال تے جائنٹ پولیس کنٹرول رو م غووی معائنہ کیو نالے یاتریاں تے سیوا اداران سنگ ملاقات کی یاتریاں نے بنیادی کیمپ ور کیا گیا انتظامات ور تسلی ظاہر کی تے انتظامیہ غی کوششاں نانہہ سہرايو اس موقع ور بولتا واں چیف سیکرٹری نیمحفوظ بلازکاوتے بہتر تال میل سنگ یاترہ انجام دین غا سرکار غا عہد نانہہ دہرایو اس دورہ مانہہ اُن غے ہمراہ جان آلا افسران نانہہ ہدایت کی گئی ہے جے وے یاتریاں نانہہ اعلیٰ معیار غی خدمات دین نالے حفاظتی بندوبست مہیا کران بارے اپنی نگرانی مسلسل جاری رکھیں۔

JAPAN WORLD EXPO

جاپان غی عالمی برآمدات بارے نمائش 2025 غے دوران بھارت غی انجنیئرگ صلاحیتاں نانہہ برا بہتر انداز مانہہ ظاہر کیو گیو ہے جس مانہہ جموں کشمیر غا تاریخی اہمیت غا پروجیکٹ کشش غو حصو بنیاریا چناب پُل انجی کھڈ پُل تے تیز رفتار وندے بھارت ایکسپریس ریل لائن اپنا خوبصورت ہمالیائی منظر سنگ دنیا پھر غا سیلانیان واسطے جازب نظر ہے عالمی سطح غا اس ترقیاتی تانچہ غی حصولیا بیان نے بھارت غی ٹیکنالوجی غا شعبہ مانہہ کی گئی ہے پناہ ترقی غی بہتر نمائش کی ہے جموں کشمیر غا اس ترقیاتی تانچہ نے قومی ترقی مانہہ توٹی غا کردار نانہہ ظاہر کیو ہے تے اس نال جدیدیت رابطہ کاری تے خوبصورت منظر کسی غا ملاپ غو وی دنیا نے نظارو کیو ہے۔

JIM JAMMU

انڈین انسٹیٹوٹ آف منجیمنٹ آئی آئی ایم جموں آئیندہ 14 تیں 18 تاریخ توڑی جگٹی کیمپس مانہہ نواں ایم ہے اے، ای ایم بی اے، پی ایچ ڈی تے ایم بی اے بیلٹھ کیر بیچیز ناں خوش آمدید کہن غی خاطر اک مجموعی واقفیت ور مبنی پروگرام منعقد کر رہیو ہے اس پروگرام غو آگاز مرکزی وزیر ڈاکٹر جتندر سنگھ غی طرفوں اک نواں ہوسٹل کمپلیکس غا افتتاح سنگ کیو جائگو لیفٹیننٹ گورنر منوج سنہا اختتامی اجلاس سنگ خطاب کریں غا نالے عالمی معیار غا تیجس سپورٹس کمپلیکس گو افتتاح وی کریں

گا اس پروگرام غے دوران ماہرانہ گل بات ثقافتی شام پیش کی جائنگی جن گو مقصد طالب علماں نانہ اس پروقار علمی سفر واسطے تیار کرنو ہے۔

PANCHAYAT RAJ JMU

گرائیں ترقی تے پنچائیت راج محکمہ غی طرفوں ڈی سی دفتر کمپلیکس جموں مانہ اک روزہ ضلع سطح غی پنچایت ترقیاتی انڈیکس ور مبنی اک ورک شاپ منعقد کی گئی ڈپٹی کمشنر سچن کمار ورشیا نے اس ورکشاپ غی صدارت کی جس مانہ سنئیر افسران تے فیلڈ فریقان نانہ پی اے آئی2عشاریہ صفر موضوعا ت بارے جانکاری دتی گئی جس مانہ بچہ دوست خاطر خواہ پانیغی دستیابی سنگ صاف ستھری تے سبز پنچائیت بارے دسیو گیو پی اے آئی پورٹل بارے بینڈ آن تربیت ماسٹر ٹرینر ندارفیک نیدتی جس غے بعد اک گل باتی نشست منعقد کی گئی جس مانہ اس سلسلہ مانہ عمل آوری تے ڈاٹا مانیٹرنگ بارے غور کیو گیو۔

CRICKET

تیجا انڈرسم ٹینڈولکر ٹرافی ٹسٹ میچ مانہ گزشتہ رات لندن مانہ دوجی انگز مانہ انگلینڈ غی 193دوڑاں غو تعاقب کرتا واں بھارت نے چار کھیڈاریاں گا نقصانور58دوڑ بنالی این کے ایل رابل 33دوڑاں سنگ کریز مانہ موجود این تے وے اج میچ غے اخیر لے روز آپنی انگز غو اپنا نواں ساتھی کھڈاری سنگ واضع رہ جے لارڈ کرکٹ ٹسٹ جتن واسطے بھارت نانہ اجوں 135دوڑاں غی لوڑ ہے۔
